

სრულიად საქართველოს კათოლიკოს-პატრიარქმა საყოველთაო ნათლობის განყოფილების თანამშრომლები მიიღო



ა.წ. 1 ოქტომბერს სრულიად საქართველოს კათოლიკოს-პატრიარქმა საყოველთაო ნათლობის განყოფილების თანამშრომლები და ნათლულთა გუნდის ხელმძღვანელები ქ-ნი მაია მიქაბერიძე და მისი ოჯახის წევრები მიიღო.

დეკანოზმა შალვამ, რომელიც საყოველთაო ნათლობებს ზედამხედველობს, მის უწმინდესობას მოახსენა განყოფილების თანამშრომელთა მუშაობის შესახებ. ითქვა, რომ ამჟამად პატრიარქს 41545 ნათლული ჰყავს, მათ შორის უცხოელი 400-ზე მეტი; რომ შესაძლებლობისამებრ ეხმარებიან გაჭირვებულ ნათლულთა და ასევე გარდაცვლილ ნათლულთა ოჯახებს. ითქვა ისიც, რომ ერთმანეთის გაცნობისა და ურთიერთდახმარებისთვის კეთდება ნათლულთა საიტი და ასევე გამოიცემა წიგნები;

ქ-ნმა მაიამ და ბ-ნმა რამინ მიქაბერიძეებმა ისაუბრეს ნათლულთა მომღერალთა გუნდის წარმატების შეახებ და ითხოვეს დახმარება მათი პირველი დისკის ჩასაწერად. შემდეგ კი ქ-ნმა მაიამ და მისი ოჯახის წევრებმა პატრიარქს რამდენიმე სიმღერა-საგალობელი შეუსრულეს.

მისმა უწმინდესობამ დალოცა თავისი ნათლულები და გაჭირვებულთა თანადგომა და გამრავლება უსურვა.